



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU EVROPSKE EKOLOŠKE STRANKE E-5

Broj: 03-07-6-580/08
Sarajevo, 10.02.2009. godine

S A D R Ž A J:

MIŠLJENJE REVIZORA.....	2
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	6
5.1. NALAZI	6
5.2. P R E P O R U K E.....	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja **Evropske ekološke stranke E-5** za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka nije ispoštovala odredbe člana 11. stav (1) i stav (3) Zakona o finansiranju političkih stranaka, jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Evropske ekološke stranke E-5 za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Evropska ekološka stranka E-5 je iskazala prihode u iznosu od 27.825,85 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00 %
2	Prilozi fizičkih lica	1.524,82	5,48 %
3	Prilozi pravnih lica	15.281,03	54,92 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	11.020,00	39,60 %
8	Ostali prihodi	0,00	0,00 %
	Ukupni prihodi:	27.825,85	100,00%

U godišnjem finansijskom izvještaju politička Evropska ekološka stranka E-5 je iskazala ukupne rashode u iznosu 19.562,21 KM.

2. PREDSTAVLJANJE POLITIČKE STRANKE

Naziv političke stranke: Evropska ekološka stranka E-5. Skraćeni naziv stranke je E-5. Politička stranka je registrovana 15.04.2004. godine kod Kantonalnog suda u Sarajevu pod brojem R-I-3/04.

Sjedište političke stranke je u Sarajevu, ulica Titova 9A.

Za zastupanje stranke u 2007. godini bio je ovlašten Nermin Vila, predsjednik stranke. Osoba ovlaštena za podnošenje finansijskih izvještaja za 2007. godinu je Mirela Hamidović.

Organizacionu strukturu E-5, prema podacima iz finansijskog izvještaja, čine:

- Glavni odbor,
- 5 regionalnih odbora
- 40 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Evropske ekološke stranke E-5 za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Evropska ekološka stranka E-5 u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka

Obim pregleda i kontrole finansijskih izvještaja Evropske ekološke stranke E-5 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i prihode iz budžeta.

4. PRETHODNE KONTROLE I REVIZIJE

U prethodnom periodu izvršeni su revizija godišnjeg finansijskog izvještaja Evropske ekološke stranke E-5 za 2005. godinu i pregled godišnjeg finansijskog izvještaja za 2006. godinu, nakon kojih su izdati izvještaj o reviziji i izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 5. stav (1), člana 6. i član 11. stav (1) Zakona o finansiranju političkih stranaka i da finansijske izvještaje treba popunjavati u skladu sa odredbama člana 11. stav (3) istog Zakona i Pravilnikom o godišnjim finansijskim izvještajima političkih stranaka.

Realizovane preporuke:

U skladu sa preporukama iz izvještaja o reviziji i izvještaja o pregledu stranka je preduzela određene korake te u 2007. godini nije primila priloge iznad limita i prijavila je sve priloge iznad 100,00 KM, odnosno postupila je u skladu sa odredbama člana 5. stav (1) i člana 6. Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2007. godinu, utvrđeno je da politička stranka nije ispoštovala sve preporuke koje su date u izvještaju o reviziji i izvještaju o pregledu finansijskih izvještaja za 2005. i 2006. godinu, odnosno postupila je suprotno odredbama: člana 11. stav (1) i (3) Zakona o finansiranju političkih stranaka.

5. NALAZI I PREPORUKE

5.1. NALAZI

a) Stranka nije ispoštovala odredbe člana 11. stav (1) i (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.¹

- U finansijskom izvještaju stranke nije naveden, u skladu sa članom 14. Pravilnika o godišnjim finansijskim izvještajima političkih stranaka, jedinstveni matični broj jednog fizičkog lica koje je stranci dalo prilog.²
- Stranka je u finansijskom izvještaju, na obrascu 3-b, iskazala priloge pravnih lica u iznosu od 15.281,03 KM.
Uvidom u finansijsku dokumentaciju (analitičke kartice) stranke i konfirmacije koje su na zahtjev Centralne izborne komisije BiH dostavili Holiday Inn i BH Telekom, utvrđeno je da ova stranka nije ostvarila priloge od pravnih lica koja su navedena u finansijskom izvještaju. U pitanju su ispravke više, odnosno pogrešno, iskazanih obaveza prema dobavljačima i ispravke takođe pogrešno iskazanih obaveza za poreze i doprinose, te se u ovom slučaju ne smatraju priložima od pravnih lica.³ Sve naprijed navedeno ukazuje da stranka ne vodi računa o svojim prihodima i rashodima.
- Obaveze po osnovu pozajmica, kredita i dugova nisu iskazane u finansijskom izvještaju u skladu sa članom 23. Pravilnika o godišnjim finansijskim izvještajima političkih stranaka.⁴ U obrascu su iskazane obaveze po osnovu pozajmica u iznosu od 52.386,00 KM od čega je 5.386,00 KM krediti pravnih lica, i 47.000,00 KM pozajmice fizičkih lica.⁵ Kontrolom finansijske dokumentacije utvrđeno je da obaveze za pozajmice primljene od pravnih lica iznose 7.386,00 KM te da stranka na obrascu 5 nije iskazala pozajmicu primljenu od strane Sjemecopa doo u iznosu od 2.000,00 KM.

¹ Politička stranka obavezna je u skladu sa članom 11. stav (1) Zakona o finansiranju političkih stranaka da vodi evidenciju o svojim prihodima i rashodima.

U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

² U skladu sa članom 14. Pravilnika o godišnjim finansijskim izvještajima politička stranka u obrazac 3-a, na kome se prijavljuju prilozi fizičkih lica koji su veći od 100 KM, uz ime osobe koja je dala prilog unose se i drugi podaci: jedinstveni matični broj donatora, datum davanja priloga te iznos priloga.

³ Otpisane su i isknjižene obaveze prema dobavljačima, iz 2003. godine, u iznosu od 14.563,85 KM i obaveze za poreze i doprinose u iznosu od 717,18 KM. Činjenica je da ne postoji zakonski osnov za otpisivanje obaveza za poreze i doprinose.

⁴ U skladu sa članom 23. Pravilnika o godišnjim finansijskim izvještajima političkih stranaka u obrazac 5 – obaveze po pozajmicama i kreditima unose se podaci: o davaocu kredita ili pozajmice, iznos kredita, datum realizacije kredita ili pozajmice, visina rate i rok vraćanja.

⁵ U okviru pozajmica od fizičkih lica koje ukupno iznose 47.000,00 KM kao kratkoročne su iskazane pozajmice iz 2002. godine u iznosu od 32.000,00 KM i pozajmice iz 2006. godine u iznosu od 15.000,00 KM.

- U finansijskom izvještaju su iskazane obaveze prema dobavljačima u iznosu od 23.899,03 KM. S obzirom na starosnu strukturu obaveza, odnosno da su u izvještaju iskazane obaveze nastale u 2004., 2005., 2006. i 2007. godine postoji indicija da stranka u finansijskom izvještaju obaveze iskazuje nerealno, odnosno u većem iznosu od stvarnih.⁶
- U finansijskom izvještaju stranka nije iskazala troškove propagande u skladu sa odredbama člana 2. Pravilnika o predizbornim i postizbornim finansijskim izvještajima političkih stranaka i člana 22. Pravilnika o godišnjim finansijskim izvještajima političkih stranaka. Stranka je učestvovala na prijevremenim izborima za predsjednika Republike Srpske koji su održani 09. decembra 2007. godine.

5.2. PREPORUKE :

Preporučuje se Evropskoj ekološkoj stranci E-5 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

➤ *Da postupa u skladu sa odredbama člana 11. stav (1) i (3) Zakona o finansiranju političkih stranaka i to:*

- *da vodi tačne evidencije o svojim prihodima i rashodima,*
- *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.*

Komentar

Evropska ekološka stranka E-5 se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu koji joj je dostavljen 18.12.2008. godine.

Mr. Hasida Gušić, šef Službe za reviziju – revizor

Veliborka Kravljača, pomoćnik revizora

⁶ Obaveze prema Mobis RS i Zajedničkom službama čine obaveze iz 2004., 2005. dio obaveza iz 2006. godine a njihova ukupna vrijednost je 11.551,09 KM. Obaveze prema drugim dobavljačima iz 2006. godine iznose 9.077,69 KM i obaveze iz 2007. godine nastale su prema Zajedničkim službama i iznose 3.166,25 KM i to po osnovu neplaćene zakupnine, vode, struje i grijanja.